

四川府縣志輯

中國地方志集成

嘉慶安縣志
民國安縣續志
道光石泉縣志
民國北川縣志
民國內江縣志



中國地方志集成

四川府縣志輯 ②③

嘉慶安縣志

民國安縣續志

道光石泉縣志

民國北川縣志

民國內江縣志

巴蜀書社 ● 江蘇古籍出版社 ● 上海書店

中國地方志集成

四川府縣志輯 ②③

出版 巴蜀書社

(成都鹽道街三號)

印刷 成都東方福利彩印廠

發行 四川省
新華書店

責任編輯 黃雲生
封面設計 范一辛
(川)新登字〇〇八號

1992年8月第1版 1992年8月第1次印刷

ISBN7-80523-478-7/K·96

序

天子二年三月除天鵬知安縣事時賊匪逼境城無守
兵幸民團用命設險四郊賊乃繞境三面逸天鵬
見民氣忠憤踴躍同仇知此邦之好勇守義大可
用也是年四月奉方伯檄取近年遇賊殉難紳民
婦女暴入通志爰稽咸豐十一年賊逆分賊陷安
城屠戮士民前知縣張香海與汛捕官以身殉一
時城居士民婦孺靡有孑遺其四鄉屢被焚擄較

序

然立節義者亦復赫赫在人耳目此皆

歷聖仁育義正風教所作有以感發吾民之心志而使
遺省居民舍生取義凜凜有大節若此吾安詢可
為守禮之邦矣補修志乘闡發幽光誠可司事也
況安邑前志板片燬於賊僅存十之四五無以補
而完之則前人草創補輯之功不幾廢乎即日延
邑舉人陳嘉繡等採訪近數十年立節死義數品
一切足為民法道事前志未載益之前志已缺補
之雖微必彰雖賤必錄不數月而補梓成書後之

覽者足以興矣吾願與安邑人士沐浴
盛朝雅化完此凋殘足衣食而生禮義則孝悌慈祥不

尤樂而可貴乎是為序

同治二年歲次癸亥十二月下幹安康余天鵬撰

序

纂輯陳嘉繡劉炳

同採訪人龍錦生楊德成鄭繼志陳宇馬劉嘉宇
查明書院等項事跡人林芝仙李培成何衡亨王
紹德並書於後以備查考

舊志序

安邑屬左綿縱橫各百有餘里縣小地僻為古羌人舊國自漢唐以迄元明建置屢易文獻不彰志乘之無聞由來久矣我

國家

列聖相傳深仁廣被薄海內外治一道同安邑之在版宇猶太倉稊米耳而上下百數十年間涵濡生息戶口繁滋人文蔚起蒸蒸然風教頓殊為夫士大夫躬逢盛事目擊休風得以握尺符膺尺社撫馭

原序

補刻

一方顧忍令山川之靈異風土之忠淳與夫孝子悌弟偉男貞婦之芳躅僅同於鏡花水月一綸耀而遂無迹可尋也君子惜之張君之莅茲土也八年矣政通人和百廢俱舉一旦慨然念邑乘之無成書自經界以及文藝蒐剔隱微躬親採擇事期徵信疑者缺焉無濫取無遺賢書分十六目以四門統之自建置一門之外以庶富教作三門體裁宏整文藻古麗渺不見草創之艱而精嚴完善草乎可傳以視夫沿襲舊規抱遺編而增刪補綴者

其勞逸何如也書成問序於余余曰安無志而有志自君始昔卜景超謝加恩令安邑當

國初甫定之時開闢荒蕪招徠流徙興利除害大著經始之績至今廟食茲土君之功不在卜謝二公下豈徒以文章飾吏治者所可同日語哉因憶余以乙酉之春曾為是邑長吏甫數月即奉檄他徙止二十餘年矣其父老當猶有知余者幸為我告之

曰

聖天子在上賢令尹承治於下德洋恩溥百務修明為

原序

二

補刻

善者無不傳泯滅者徒自取尚其作德於鄉漸以作羽儀於邦國庶幾他年碩德鴻才臚於簡冊下以增東筆者光上以昭

盛朝一德同風之治而後嘆張君創始作志之功長與大安山並重而不朽矣余固舊令也能不因之預為忻幸也

乾隆五十四年歲次己酉嘉平月中憲大夫四川通省鹽茶分巡成綿興管水利道析津林鴻撰並書

舊志序

山川風土隨方而定亦因時而易者也即土分瘠沃星殊風雨古固有之亦舉其槩耳未嘗執此以異其民

聖朝治隆德盛臨御萬方梯山航海蒸蒸向化古所稱沃瘠風雨之不齊者今皆合內外而一之豈非因時而易哉蜀稱邊省芳至蜀不見其為邊省也安邑為蜀僻地芳至安亦不見其為僻地也蓋

歷聖仁深覆載恩極照臨登億兆於春臺維新而作解

原序

三

之至於淪肌浹髓遂會歸其極若此之盛也壬寅夏芳蒞茲邑其山川風土燦然可見而俛仰古今茫茫無考於是索志書於吏吏以向來無志對為之悵然他日接晤教諭戴公維植則曰前令施公廷鈞曾草創焉索其稿正有山水等名及鄉村物產而已甲辰奉檄出口戊申回安戴公已陞夔府教授而去邑紳陳教諭書致邑志底稿五帙於余乃戴公於芳出口後敘次而成其赴夔也授陳公以候芳來戴公可謂盡心於此矣於是即其稿重

復敘次纂輯成書一邑所有畧備於此雖文獻幾如而山川風土頗為擬實春華不先於秋實充足昭

盛朝抑浮尚質之休焉因述其顛末以俟來哲特授四川直隸綿州安縣知縣寶山張仲芳望林氏撰

原序

序

歲在辛未蜀之天府請於

朝續修全省通志檄下府廳州縣各輯成書以備采擇
重志乘也余承乏安縣一載于茲矣小宰無他庸
而興城之寄一人斷斷始入官如晦室懼無以成
名布義因思古賢侯下車之始覽疆索稽戶版攷
山川之表陲度瑪流之捫約揖都人士辨博者與
其晨夕問民俗及風土物力之所宜凡佳流素士
淑德奇行廢修盼採均急登之以薰沐來者緬何

補刊

易于李博文諸君之風宣迪釀化綏穆初附每以
不面為恨企德懷仁輒願與蘭艾同潤也嘗溯前
明建官以上分合情事至於漢唐安縣為漢涪縣
地在涪江之南故名晉析為晉興益昌西充國三
縣屬巴西郡縣以國名豈與圖獨廣與宋齊梁仍
晉制西魏省晉興周改為金山益昌西充國三縣
隋開皇初益昌省更西充國縣名置神泉縣屬金
山大業中金山郡亦廢唐為龍安西昌神泉三縣地
始屬綿州五代因之宋為龍安神泉二縣地屬石

泉軍寶祐中移石泉軍來治石泉在安縣北通松
龍一帶置軍控扼之以備西番不幾重鎮乎元為
安州屬成都府神泉縣省入州明復為縣仍屬成
都此建置沿革之大凡也攷疆域東西距八十里
南北距百六十里六雄十緊不足為今銓課最而
前代三符並列焉我

朝封涪廣開井竿蕪集星居土斷度越倍徙為長吏者
敢不作何祇魚二縣公孫撫五都邑觀榜求舊聞
嗣書續記永彰茂實式表洪徽為一縣治譜之資

序

補刊

以上答

聖天子建典立度之意耶或謂地不近會治慮其陋也
庶不及淵雲虞其畧也遂巖岳嶽靈瀆涪波不足
繫三神之驪被五材之肯也欲以附古頌圖之後
毋乃愚與然涪界東西川唐以分節鎮制所而神
泉為樞紐井絡一星繫其顛干辰之輝男傑女烈
英魄靈氣炳炳烺烺觀前明李廣生夫婦趙鴻偉
父子卓節偉操光燭赤籍而雲門之灑灑金山之
增屹探龍穴之奇按猿門之茂縱觀松嶺關疊溪

堡大巖靈鷲以西坤維鐵牡激盪邊風所謂左擔
出活者豈易言耶披圖鏡古為往復者久之他若
物產殷饒倉儲充實丁男夢息田賦正供竊附于
五比九比之規不敢從畧古慕不歇贊祠振秀雍
客往詰以當圖畫僑札至於仙夫釋子無不畢載
所以滌塵俗而淪高風也藝文雖簡掌故所系亦
不廢焉爰分部為三十櫛比鱗次各以類從所采
二十三史以外若常璩華陽國志李吉甫元和郡
縣志樂史太平寰宇記王存元豐九域志楊慎全

序

補刻

安縣志

凡例

一舊志以

欽頒墨刻書籍

御祭李鑑文編於藝文之前各卷之後似非敬謹之義今

謹編於卷首以昭慎重

一舊志於建置之外分庶富教三部以各門分隸
於下似未妥協今分三十門於每門作一小序倣
子雲法言之例益堅述贊之體俾讀者展卷瞭然

凡例

補刻

蜀藝文志曹學佺蜀中名勝志諸書而一以

大清一統志為歸書成為述其梗概以弁諸首自魏庸

陋不敢妄有撰述即近今摭拾亦可以為國章作
身鑑備全省通志之一隅後有君子宏覽博物据
撫益富使豐編照物歷久益光足則余之所厚望
也夫是為序

嘉慶十有七年歲次壬申陽月下澣金匱楊英燦

撰

皇興表之例

一統志冠首遵

一各郡縣志首列星野說者以天體廣遠度數推
測近乎渺茫近時志乘有不立此門者然自馬班
以來以天文測九州之地其說相沿已久今仍之
一建置沿革備載歷代史志而以

一名宦鄉賢節孝祠廟內止列其名氏其事蹟詳

見於人物志中庶前後不至複沓

一職官志之首冠以名宦凡仕於斯土功德及民

附於黌宮奉嘗不廢固後起所當景行而興起者也至其莅任先後仍列其名於職官俾後人可以按年稽考

一人物一門分宦績忠義孝友儒林行誼處士其目凡六其人生存者例不為立傳聞有事蹟卓著鄉評允協者倣昌黎為何蕃立傳之例附載一二人以昭激勸

一列女中節孝炳著者或其人尚存而請旌之年例已符或未及請旌之年而其人已卒皆為

凡例

補列

完節據現在冊報與已蒙

旌獎者一體列傳以表貞操

一藝文一志唐惟孫可之書何易于事一篇宋元

竟無隻字明代作者及

國朝諸大家詩文亦復寥寥所登者大半皆邑人及邑

令所作方隅之見謏陋自慚如有博雅君子惠我

古人篇什以啓窳聞當亟登之簡首比之吉光片

羽焉

安縣志目錄

卷首

欽頒墨刻書籍

聖諭

卷一

星野 星圖諸圖附

卷二

表 沿革

卷三

疆域

卷四

形勢

卷五

山川

卷六

戶口

卷七

田賦

金匱楊英傑文叔氏識

卷八

倉儲

卷九

水利

卷十

城池

卷十一

鄉鎮場市附

卷十二

關隘

卷十三

津梁

卷十四

古蹟

卷十五

公署

卷十六

學校書院附

卷十七

祀典

卷十八

祠廟

卷十九

兵制

卷二十

鋪遞

卷二十一

寺觀

卷二十二

稅課

卷二十三

蠲政

卷二十四

職官

卷二十五

選舉

封廕

應何附

武功

卷二十六

人物

卷二十七

忠義

卷二十八 節烈

列女

卷二十九

仙釋

卷三十

物產

卷三十一

藝文

卷三十二

風俗

安縣志卷首

欽頒墨刻書籍

康熙二十三年奉頒

御書萬世師表匾額一道

上諭一道

上諭講畧律例擬意一道

上諭講訓一道嘉禾圖一道

上諭一部二十四本

上諭一部二本

雍正四年奉頒

御書生民未有匾額一道

乾隆三年奉頒

御書與天地參匾額一道

乾隆十四年奉頒

上諭二本又一道

聖諭廣訓十二本

天章惻誠一本

祀典圖冊一本

學政全書二本

軍流道里表抄刻共四本

欽定三流道里表一部四本

刑名例限一本

洗冤錄一部四本又抄寫一本

停刑日期考一本

大清律例一部二十本

續纂條例一部二本

欽定吏部處分則例二十六本

工程做法並抄冊二十九本

乾隆十八年續頒

督捕則例二本

欽定科場條例四本

酌歸簡易條款一本

欽定學政全書二部八本

乾隆二十二年頒發

學政全書二部八本

三禮義疏一部共一百八十三本

乾隆二十三年頒發

大清律例四本

詩集文集一部共七十三本

乾隆五十一年奉頒

御論墨刻一道

乾隆五十二年奉頒

御製補笙詩樂譜二本

御定聖廟樂譜一本

戶部則例一部三十九本

乾隆五十三年奉頒

御筆仿李迪雞雛待字圖詩畫一道

乾隆五十五年奉發

戶部續纂則例一部八本

乾隆五十七年奉發

科場條例一部十六本

嘉慶元年奉發

欽定學政全書一部二十四本

嘉慶五年奉發

御製邪教說墨刻一道

御書聖集大成匾額一道

嘉慶十年奉發

勤政殿記墨刻一卷

嘉慶十四年奉發

御題耕織圖詩墨刻一分

聖諭

諭祭李鑑文

維

大清順治十四年四月初二日

皇上遣陝西等處承宣布政使司布政使蕭時彥奉

旨諭祭故陝西巡撫寧夏等處軍務糧餉都察院兵部付

即右魚都御史大都督李鑑之靈曰惟爾才濟茂美器

質端凝昔制宣雲載藩西夏寧鎮兵民錯處番漢雜居

爾意在保釐恩威互濟紀綱肅振過微澄清朕甚嘉之

何則壯猷未竟一旦奄終所聞良深惻悼特賜祭

一丘造墳安葬靈如不昧尚克饗之

安縣志卷一

星野



廣野之氣上應星斗參旗井鉞蜀都是有甘石所
占門苞所授度入參分次維鶉首志星野

蜀為禹貢梁州之域史記天官書二十八舍主十
二州益州為參分周禮保章氏註鶉參主益州漢
書巴蜀分參井鬼又云鶉觜參主益州隋書益州
分參丹元子步天籙天帝西垣第四星曰已五曰
蜀唐書劍南道分井鬼宋史益梓利夔四路分井

星野

鬼又曰東井與鬼鶉首也盡巴蜀漢中之地河圖
括地象岷山之下為井絡帝以會昌神以建福言
蜀之分野也午山張廷云井絡即鶉首華陽國志
仰藥參伐蜀紀帝居房心決事參伐是為蜀分天
文占候太白主畢觜鎮星主井五車卿星弧矢星
俱主益州蔡邕月令章句自畢六度至井十度謂
之實沈之次晉之分野自井十度至柳三度謂之
鶉首之次秦之分野晉書天文志自畢十二度至
東井十五度為實沈於辰在申魏分屬益州自東

井十六度至柳八度為鶉首於辰在未秦分屬雍
 州考綿州舊志井躔井參安縣天文益州為參分
 分野井鬼之分入參一度為鶉首之次

皮縣志圖



安縣天文星野圖為參分分野
版之分入參一度為編首之次



